

FONDACIJA MUHAREM BERBIĆ

PROGRAM RADA SA FINANSIJSKIM PLANOM ZA 2021. GODINU



Sarajevo, decembar 2020. godine

SADRŽAJ

UVOD.....	1
1. MISIJA I VIZIJA FONDACIJE.....	2
1.1 Misija	2
1.2 Vizija i motivi.....	2
1.3 Ciljevi i djelatnosti.....	2
2. STRUKTURA ODLUČIVANJA I UPRAVLJANJA	3
3. PLAN RADA ZA 2021. GODINU	5
3.1. Plan projekata i programa Fondacije Muharem Berbić za 2021. godinu.....	5
3.2. Plan aktivnosti Fondacije Muharem Berbić za 2021. godinu.....	6
3.3. Jačanje vlastitih kapaciteta Fondacije.....	9
Kontakt informacije	10

UVOD

Fondacija Muharem Berbić osnovana je i počela sa radom sredinom 2015. godine. Uprkos kratkom periodu postojanja, aktivno je sudjelovala i uspješno realizovala brojne projekte i aktivnosti. Važno je istaknuti da je Fondacija Muharem Berbić jedan od prvih filantropskih projekata bosanskohercegovačkog stanovništva i pravi bosanski „proizvod“.

Osnovana svrha rada Fondacije je pružanja direktne pomoći pojedincima, ali i zajednici u cjelini. Želja nam je da utičemo na određene društvene segmente za koje smatramo da su važni za napredak bosanskohercegovačke zajednice, od kojih posebno ističemo obrazovanje, jačanje kapaciteta djece i mladih, te zdravstvo.

Fondacija je registrovana kod Federalnog ministarstva pravde FBiH te je upisana u Registar fondacija FBiH pod brojem 184, knjiga I Registra, dana 08.06.2015. godine.

Organi upravljanja Fondacijom Muharem Berbić su:

- Upravni odbor i
- Direktor Fondacije.

Upravni odbor Fondacije je najviši organ odlučivanja i upravljanja Fondacijom, a čine ga tri člana, od kojih je jedan predsjednik UO, a ostali su članovi UO. UO odlučuje o svim relevantnim pitanjima i zadacima koji se tiču Fondacije.

Direktor Fondacije je ovlaštena osoba koja predstavlja i zastupa Fondaciju te provodi politike, zaključke i druge odluke UO.

Članovi Upravnog odbora:

Zijad Berbić – predsjednik UO

Selma Berbić – zamjenica predsjednika UO

Zijada Berbić – članica UO

1. MISIJA I VIZIJA FONDACIJE

1.1 Misija

Fondacija Muharem Berbić je osnovana 15. maja 2015. godine kako bi njeni osnivači i njihov rad bili od koristi našim zemljacima i zajedničkoj nam domovini Bosni i Hercegovini. Kroz rad Fondacije nastojimo zajedničkim snagama poboljšati uslove kako pojedinaca tako i društva u cjelini. Činimo to, između ostalog, kroz stipendiranje uspješnih studenata i učenika, projekte samopomoći i druge raznovrsne podsticajne mjere u oblasti privrede, obrazovanja i zdravstva.

1.2 Vizija i motivi


- Zemlja u kojoj je kvalitetno obrazovanje i medicinska skrb dostupna svakom pojedincu, društvo u kojem ljudi jedni drugima pomažu, vođeni uvjerenjem da se samo dobro vraća dobrim.
- Stabilna i solidarna zajednica, u kojoj svi vrše svoj doprinos da poboljšaju ukupne uslove življenja, kako današnje tako i budućih generacija.
- Da svi počnemo našu zajedničku domovinu uređivati na način da od nje učinimo mjesto, koje niko ne želi napustiti.
- Svako ima nešto, što može doprinijeti dobrobiti društva.
- „Ko učini trun dobra, vidjet' će ga.“

1.3 Ciljevi i djelatnosti

Ciljevi i djelatnosti Fondacije su:

1. unapređenje obrazovanja i odgoja na način koji uključuje i pomoć studentima i đacima putem dodjele stipendija, jednokratnih novčanih pomoći ili stvaranja obrazovnih institucija kojima se obezbjeđuju bolji uslovi za školovanje, studij, prekvalifikaciju ili edukaciju;
2. unapređenje pomoći starijim osobama i omladini;
3. unapređenje ciljeva iz oblasti kulture i sporta;
4. zalaganje za unapređenje razvojne pomoći, te oblasti zdravstva;
5. pomoć iznemoglim osobama;
6. pomoć žrtvama elementarnih nepogoda;
7. zalaganje i iniciranje otvaranja đačkih domova na način predviđen Zakonom;
8. zalaganje za pomoć demobilisanim borcima Armije Bosne i Hercegovine i članovima porodica šehida;
9. pomoć ženama žrtvama nasilja i samohranim majkama sa maloljetnom djecom;
10. implementacija posebnih projekata u skladu sa svrhom osnivanja;
11. organizovanje dobrotvornih aktivnosti za prikupljanje i raspodjelu materijalnih sredstava na humanitarnoj i neprofitnoj osnovi;
12. obavljanje drugih dobrotvornih aktivnosti u skladu sa važećim zakonima, s opštim aktima i programom rada Fondacije.

2. STRUKTURA ODLUČIVANJA I UPRAVLJANJA



Upravni Odbor Fondacije Muharem Berbić je sastavljen od tri člana. Uloga, zadaci i ovlaštenja Upravnog Odbora su definisani članom 11. Statuta Fondacije Muharem Berbić.

Direktorica Fondacije Muharem Berbić je gospođa Halida Sinanović-Sarač koja ovu dužnost obavlja od 2019. godine. Ovlaštenja, uloga i zadaci direktorice su definisani članom 22. Statuta Fondacije Muharem Berbić.

Izvršni menadžer Fondacije Muharem Berbić ima sljedeće zadatke i ovlaštenja: 1) Vodi i provjerava finansijske i narativne izvještaje Fondacije; 2) Razvija projekte i programe (kroz logičke matrice); 3) Vršiti nadzor nad radom svih uposlenika; 4) Prati finansijski plan i plan aktivnosti odobrenih projekata; 5) Organizuje sastanke sa donatorima i potencijalnim partnerima, te vrši komuniciranje s njima; 6) Uspostavlja standarde u administrativnom i kancelarijskom poslovanju unutar Fondacije; 7) Raspoređuje i dodjeljuje poslove projektnom menadžeru; 8) Dodjeljuje specifične zadatke projektnim koordinatorima i asistentima; 9) Pomaže u finansijskom i administrativnom poslovanju direktorici Fondacije; 10) Izvršava druge poslove dodjeljene od strane UO i direktorice.

Projektna menadžerica Fondacije Muharem Berbić ima sljedeće zadatke i ovlaštenja: 1) Upravlja implementacijom odobrenih projekata; 2) Organizuje aktivnosti projekata i Fondacije, te prati tok njihove realizacije; 3) Organizuje i dodjeljuje zadatke u okviru kancelarijskog poslovanja i administraciju unutar kancelarije; 4) Nadzire kvalitet rada projektnih koordinatora; 5) Izvještava o toku implementacije projekata; 6) Organizuje tim za izradu i apliciranje projekata, prema uputama Izvršnog menadžera; 7) Koordinira radom projektnih koordinatora; 8) Izvršava i druge poslove u skladu s instrukcijama Upravnog Odbora, Direktorice i izvršnog menadžera.

Koordinatori projekata Fondacije Muharem Berbić su zaduženi za sljedeće: 1) Za realizaciju specifičnih projekata i aktivnosti; 2) Brinu se oko organizacije aktivnosti, rokovima za projekte, pozivanju učesnika; 3) Dobijaju specifične zadatke oko stalnih aktivnosti Fondacije (vođenje društvenih mreža, održavanje web stranice); 4) Izvještavaju o toku i kvalitetu aktivnosti projektnom menadžeru; 5) Pišu narativne izvještaje sa aktivnosti i narativne izvještaje za donatore; 6) Biraju asistente na projektu.

Projektni asistenti Fondacije Muharem Berbić imaju sljedeće zadatke: 1) Pomažu projektnim koordinatorima oko implementacije pojedinačnih projekata; 2) Obavljaju druge poslove po nalogu projektnog menadžera i projektnog koordinatora.

Vanjski saradnici su angažovani po određenim projektima i nadležni su za provođenje određenih aktivnosti projekta ili programa.

3. PLAN RADA ZA 2021. GODINU

Plan rada Fondacije Muharem Berbić će biti podjeljen na tri dijela, a u zavisnosti od strateških ciljeva Fondacije i to:

- Plan projekata Fondacije za 2021. godinu;
- Plan aktivnosti Fondacije za 2021. godinu;
- Jačanje vlastitih kapaciteta Fondacije.

3.1. Plan projekata i programa Fondacije Muharem Berbić za 2021. godinu

Projekti Fondacije Muharem Berbić će se zasnivati na unapređenju položaja djece i mladih sa područja cjelokupne Bosne i Hercegovine, sa posebnim akcentom na djecu i mlade slabije socio-ekonomske situacije i smanjenih mogućnosti. Osnovna karakteristika svih planiranih projekata jeste poštivanje ljudskih prava i stvaranje jednakopravnog društva za sve građane i građanke Bosne i Hercegovine.

Neki od navedenih projekata i programa su započeli sa svojom implementacijom tokom 2020. godine, a intencija je da se njihova implementacija nastavi i tokom 2021. godine. Fondacija Muharem Berbić kontinuirano jača svoju poziciju među donatorima, te smo u prethodnom periodu posvetili posebnu pažnju na izgradnji kredibiliteta FMB-a, a u narednom periodu nastavljamo da jačamo vlastite kapacitete i još više se angažujemo na namicanju donatorskih sredstava.

Redni broj	Naziv projekta	Period implementacije	Vrijednost projekta	Sredstva
1.	Klub prijatelja Fondacije Muharem Berbić	Trajno	370.000,00 KM od čega je već uloženo 115.000,00 KM	Donatorska sredstva i sredstva Fondacije
2.	Razvojni centar Fondacije Muharem Berbić u Visokom sa pripadajućim projektima	Trajno	91.000,00 KM	Vlastita i donatorska sredstva, sredstva sponzora

3.	Stipendiranje učenika i studenata	Trajno	60.000,00 KM	Vlastita sredstva i sredstva donatora
4.	Dnevni Centar za djecu u riziku u Sarajevu	12 mjeseci	120.00,00K M	Donatorska sredstva i privatne donacije
5.	Treća godišnja konferencija mladih	5 mjeseci	15.300,00 KM	Donatorska sredstva
6.	Sruši tarabu i izgradi ćupriju	6 mjeseci	10.000,00 KM	Donatorska sredstva
7.	Prvaci inkluzije	4 mjeseca	9.000,00 KM	Donatorska sredstva
8.	Ekonomsko osnaživanje porodica sa djecom s poteškoćama u razvoju	12 mjeseci	25.000,00 KM	Donatorska sredstva i Muslim Aid
9.	Inkluzija za budućnost	7 mjeseci	16.800,00 KM	Donatorska sredstva
10.	Rušimo ekstremizam, gradimo budućnost (ReGra)	5 mjeseci	10.000,00 KM	Donatorska sredstva
11.	Drugi projekti u zavisnosti od poziva za predaju projekata	12 mjeseci	>70.000,00 KM	Donatorska sredstva
	UKUPNO		>617.100,00 KM	

3.2. Plan aktivnosti Fondacije Muharem Berbić za 2021. godinu

1. Pružanje podrške drugim projektima OCD-a

Obzirom da Fondacija Muharem Berbić, od svog osnivanja, kroz finansijsku podršku pomaže implementaciju projekata drugih udruženja i organizacija, ovaj kontinuitet će se nastaviti i u budućnosti. Fondacija svoja sredstva može usmjeriti na osnovu jednog, dva ili tri javna poziva za prijavu projektnih prijedloga. Na taj način će se moći vršiti kvalitetniji monitoring postignutih rezultata, ali i praćenje vidljivosti projekta.

2. Stipendiranje učenika i studenata

Jedna od glavnih aktivnosti Fondacije Muharem Berbić je i stipendiranje studenata i učenika. Planira se da se tokom 2021. godine, broj studenata i učenika poveća, ali i da se stipendisti Fondacije trajnije uključe u aktivnosti Fondacije ili drugih organizacija. Također, planiramo da broj stipendista Fondacije sa trenutnih 50 povećamo na 60.

3. Osnivanje socijalnih preduzeća

Fondacija Muharem Berbić nastoji da promiče vrijednosti socio-ekonomski stabilnog BiH društva, te navedeno planira postići preko osnivanja i pružanja poticaja za osnivanja socijalnih preduzeća koja će se pružati mladim osobama. Uspostavom socijalnih preduzeća od strane mladih osobe uz pomoć donatorskih sredstava Fondacije će i uslovljavati za ulazak u upravljačke strukture navedenih. Posredstvom navedenih preduzeća se nastoje pomoći ugrožene kategorije našeg društva, prevashodno osobe sa invaliditetom, bez roditeljskog staranja, i u riziku od porodičnog razdvajanja, te unaprijediti i usmjeriti njihove snage i kapacitete u razvojne svrhe našeg društva. Zajedničkim snagama vjerujemo da se mogu kreirati promjene koje želimo i trebamo u našem društvu, i pri tome se vodimo vrijednostima socijalne inkluzije, ravnopravnosti, antidiskriminacije, participacije i uvezivanja sa privatnim i javnim institucijama i preduzećima.

Kroz ovu aktivnost trenutno imamo u planu da u ovoj godini uspostavimo i socijalno preduzeće Klub prijatelja Fondacije Muharem Berbić u Kaknju koji će djelovati kao d.o.o., koji će upošljavati osobe sa invaliditetom i mlade osobe tipične populacije i posredstvom kojeg će se alocirati sredstva za potrebe osoba sa invaliditetom na ovom prostoru. Njime također želimo da uspostavimo standard za osnivanje i uspostavu socijalnih preduzeća koji će služiti kao primjer i za druge lokalne zajednice. Također, u Kaknju će se uspostaviti i kancelarija Fondacije Muharem Berbić koja će djelovati sa svojim repertoarom aktivnosti.

4. Ostale aktivnosti

Redovne aktivnosti Fondacije Muharem Berbić podrazumjevaju učešće na konferencijama, javnim raspravama, događajima i drugim aktivnostima drugih organizacija, institucija i partnera. Tokom čitave 2021. godine, Fondacija će učestvovati na svim događajima koji su relevantni za poslovanje iste.

5. Promocija i povećanje vidljivosti rada Fondacije

Kao jedan od najvažnijih elemenata za dobijanje donatorskih sredstava jeste i vidljivost organizacije. Zbog toga će Fondacija raditi na kontinuiranom oglašavanju, medijskoj promociji i prisutnosti na društvenim mrežama.

6. Ostvarivanje saradnje sa donatorima i partnerima

Saradnja sa donatorima i partnerima, organizovanje sastanaka sa istim, te jačanje donatorske i partnerske mreže je jako važna stavka za implementaciju budućih projekata i aktivnosti Fondacije Muharem Berbić. Ova aktivnost podrazumjeva i uspostavljanje saradnje sa javnim institucijama (općinama, ministarstvima, javnim ustanovama i preduzećima), ali i drugim međunarodnim donatorskim organizacijama. Planirana aktivnost će se vršiti tokom cjelokupne godine.

7. Djelatnosti Dnevnog centra u Sarajevu, Razvojnog centra u Visokom i Kluba prijatelja Fondacije Muharem Berbić u Kaknju

Djelatnosti navedene tri podružnice Fondacije Muharem Berbić obuhvataju pružanje pomoći i podrške djeci i mladima osnovnoškolskog, srednjoškolskog i fakultetskog uzrasta kroz razne vrste organizovanih instrukcija, edukacija, radionica, treninga, seminara, okruglih stolova, konferencija, savjetovanja i podrške. Mi kroz navedene podružnice radimo na osmišljavanju posebnih programa pomoću kojih unapređujemo individualne i profesionalne vještine djece i mladih, sa naročitim akcentom na djecu i mlade koje su osobe sa invaliditetom, koje potiču iz socio-ekonomskih ugroženih porodica, koje su bez roditeljskog staranja ili u riziku od porodičnog razdvajanja. Naša intencija je da damo jednake prilike za svakoga, a naročito za navedene kategorije, te na taj način da podržimo dugoročni razvoj BiH društva.

8. Strateško planiranje Fondacije Muharem Berbić za razvojni period 2021. – 2024.

Ova aktivnost će se sprovesti do polovine ove godine sa idejom razvoja svih kapaciteta i podružnica Fondacije Muharem Berbić i njenog strateškog usmjeravanja za razvojni period od 3 godine. Navedna aktivnost ima za cilj strateški usmjeriti djelovanje Fondacije Muharem Berbić sa osnovnom svrhom doprinosa razvoju BiH društva.

3.3. Jačanje vlastitih kapaciteta Fondacije

1. Samoodrživost

Ključna aktivnost bit će usmjerena na stvaranje uslova za samoodrživost Fondacije i prelazak sa donatorskih sredstava na vlastito osiguranje novca za postojanje i rad Fondacije Muharem Berbić. Osnovu za ostvarenje ovog cilja samoodrživosti vidimo u mogućnostima uspostavljanja socijalnog biznisa i ulaska u upravljačke strukture postojećih kompanija.

2. Jačanje tima Fondacije


Za jačanje tima Fondacije Muharem Berbić i njeno etabliranje kao jake organizacije civilnog društva, neophodno je stalno raditi na jačanju i proširenju postojećih kapaciteta. Ovo može uključivati novo upošljavanje, angažovanje vanjskih saradnika i eksperata za različite oblasti. Preporučuje se jačanje svih segmenata Fondacije, s posebnim akcentom na angažovanje PR menadžera, grafičkog dizajnera i dodatnog projektnog osoblja.

3. Edukacija uposlenika

Kako bi se mogli pratiti trendovi i poslovanje unutar sektora civilnog društva neophodno je kontinuirano vršiti educiranje uposlenika Fondacije. Zbog toga će se vršiti kontinuirana obuka uposlenika Fondacije, a kako bi mogli jačati vlastite kapacitete, odnosno osnaživati postojeće ljudske kapacitete Fondacije Muharem Berbić na dugoročnom planu.

Predsjednik Upravnog Odbora

Fondacije Muharem Berbić




Zijad Berbić



Direktorica

Fondacije Muharem Berbić



Halida Sinanović-Sarač

Kontakt informacije

Kancelarija u Sarajevu

Fondacija Muharem Berbić
Hamdije Kreševljakovića 37
71000 Sarajevo

Tel. +387 33 221 459

Kancelarija u Visokom

Razvojni centar Fondacije Muharem Berbić
Kralja Tvrtka 62
71300 Visoko

Tel: +387 62 004 333

Web stranica: <https://www.fmb.foundation/>

RADNO VRIJEME:

Svaki radni dan od 08:00 – 16:30

